

**СЭЛЭНГЭ АЙМГИЙН САНХҮҮГИЙН ХЯНАЛТ
ДОТООД АУДИТЫН АЛБА**



ДОТООД АУДИТЫН АЖЛЫН ТАЙЛАН

**Аудитын нэр: ХУШААТ СУМЫН ТӨСВИЙН ТӨВЛӨРҮҮЛЭН ЗАХИРАГЧИЙН ҮЙЛ
АЖИЛЛАГААНЫ ҮР ДҮН**

Аудитад хамрагдсан жил: 2024

**АУДИТ ХИЙСЭН БАЙГУУЛЛАГА: СЭЛЭНГЭ АЙМГИЙН ЗАСАГ ДАРГЫН
ДЭРГЭДЭХ САНХҮҮГИЙН ХЯНАЛТ, ДОТООД АУДИТЫН АЛБА**

АУДИТ ХИЙГДСЭН БАЙГУУЛЛАГА: “ХУШААТ СУМЫН ТТЗ”

АУДИТ ХИЙГДСЭН ОБЪЕКТ: ХУШААТ СУМ

АУДИТЫН ТӨРӨЛ: ДОТООД АУДИТ

АУДИТЫГ ГҮЙЦЭТГЭХ ХУГАЦАА: 2024.12.02-2024.12.20

АУДИТАД ХАМРАГДСАН ХУГАЦАА: 2024 оны 4 дугаар улирал

Тайланг бэлтгэсэн:

**Дотоод аудитын нэгжийн
удирдлагын дарга**

Сэлэнгэ аймгийн Засаг даргын
дэргэдэх Санхүүгийн хяналт,
дотоод аудитын албаны дарга,
СХШУАБ Т.Одсүрэн

Аудитын багийн гишүүн:

Дотоод аудитор, СХШУБ
Ц.Уртнасан

Огноо: 2024 оны 12 дүгээр
сарын 20 өдөр

Сүхбаатар сумын 2 дугаар баг,
Нутгийн удирдлагын II байр
sankhuu_audit_se@yahoo.com

1. ТАНИЛЦУУЛГА

2. АУДИТЫН ЗОРИЛГО, ЦАР ХҮРЭЭ,

2.1. Аудитын зорилго

2.2 Аудитын цар хүрээ

2.3. Аудитын арга аргачлал, хязгаарлалт

3. БАЙГУУЛЛАГЫН САЙН ТУРШЛАГА

3.1 Засаглалын талаар

3.2 Эрсдэлийн удирдлагын талаар

3.3 Дотоод хяналтын талаар

4. АУДИТЫН ҮР ДҮН

4.1 Илэрсэн асуудлууд

5. НЭГДСЭН ДҮГНЭЛТ

1. ТАНИЛЦУУЛГА

Сэлэнгэ аймгийн Засаг даргын дэргэдэх Санхүүгийн хяналт, дотоод аудитын албаны 2024 оны нэгдсэн төлөвлөгөөнд тусгагдсаны дагуу Төсвийн тухай хуулийн 14 дүгээр зүйл, 14.2.10, Төрийн хяналт шалгалтын тухай хуулийн 5 дугаар зүйлийн 5.2, 7 дугаар зүйлийн 7.4 дэх хэсэг, “Дүрэм батлах тухай” Монгол Улсын Засгийн газрын 2015 оны 483 дугаар тогтоолын хавсралтаар батлагдсан “Дотоод аудитын дүрэм”, Дотоод аудитын хорооны 2024 оны 1 дүгээр тогтоолоор батлагдсан 2024 оны хяналт шалгалтын төлөвлөгөөг аймгийн Засаг дарга бөгөөд Төсвийн Ерөнхийлөн Захирагчийн 2024 оны 10 дугаар сарын 16-ны өдрийн дүгээр удирдамжийн хүрээнд Сэлэнгэ аймгийн Хушаат сумын төсвийн төвлөрүүлэн захирагчийн үйл ажиллагаанд дотоод аудитыг хийж гүйцэтгэлээ.

Дотоод аудитыг Засгийн газрын 483 дугаар тогтоолоор баталсан “Дотоод аудитын дүрэм”-ийг тус тус үндэслэн санхүүгийн хяналт шалгалт, эрх зүйн нийцлийн чиглэлээр хийж хэрэгжүүлсэн ба 2024 оны 3 дугаар улирлын үйл явцыг хамруулан, дахин тооцоолох, тулган шалгах хяналтын горимыг ашиглах, холбогдох ажилтнуудтай ярилцах, дотоод хяналтын орчныг судлах, үнэлэх, ажил гүйлгээг батлах, хянах, бүртгэх, тайлагнах процессын эрсдэлийг үнэлэх, мөрдвөл зохих хууль тогтоомжийн зүйл, хэсэг, заалтын хэрэгжилтийн байдлыг бодитоор илэрхийлж тогтоох, зорилгод хүрсэн түвшин, хүлээн зөвшөөрөгдсөн байдал, практикт нийцэж байгаа байдлыг шалгуур үзүүлэлтээр тодорхойлж ажиллав.

2. АУДИТЫН ЗОРИЛГО, ЦАР ХҮРЭЭ

2.1 Аудитын зорилго:

Хушаат сумын төсвийн төвлөрүүлэн захирагчийн засаглал, эрсдэлийн удирдлага, дотоод хяналтын үйл явцуудын үр нөлөөтэй байдлыг үнэлж дүгнэх, тус байгууллагын үйл ажиллагааг сайжруулахад чиглэсэн зөвлөгөө өгөх замаар байгууллагын үнэ цэнийг нэмэгдүүлэх зорилготой.

2.2 Аудитын хамрах хүрээ, хязгаарлалт

Хушаат сумын төсвийн төвлөрүүлэн захирагчийн удирдлага зохион байгуулалтын засаглал, эрсдэлийн удирдлага болон дотоод хяналтын үйл явцыг үнэлэх;

Аудитаар тус газрын 2024 оны эхний хагас жилийн үйл ажиллагааг хамруулна. Үүнд:

- *Байгууллагын засаглал, эрсдэлийн удирдлагын үйл явцыг үнэлэх;*
- *Санхүү, төсөв, нягтлан бодох бүртгэлийн холбогдолтой хууль, тогтоомж, Засгийн газрын шийдвэр болон түүнийг үндэслэн төрийн захиргааны төв байгууллагаас гаргасан заавар, журмын хэрэгжилт.*
- *Төсвийн орлогын бүрдүүлэлт, санхүүжилт, хуваарилалт, үр дүн*
- *Орон нутгийн хөгжлийн сангийн хөрөнгө оруулалт үйл ажиллагааны үр дүн*
- *Хоршоог хөгжүүлэх сангийн үйл ажиллагааны үр дүн*

- Төрийн болон орон нутгийн хөрөнгөөр бараа, ажил, үйлчилгээ худалдан авах тухай хууль тогтоомжийн хэрэгжилт
- Өр авлагын барагдуулалт, үүссэн өр авлагыг данс бүртгэлд тусгаасан эсэх;
- Төсвийн төвлөрүүлэн захирагчийн дотоод хяналтын үр нөлөө
- Төрийн аудитын байгууллагаас 2023 оны санхүүгийн нэгтгэсэн тайлан, төсвийн гүйцэтгэлд хийсэн санхүүгийн тайлангийн аудитаар илэрсэн зөрчил дутагдлын арилгах арга хэмжээ авч хэрэгжүүлсэн байдал

Аудитын хамрах хүрээний хязгаарлалт:

Хушаат сумын төсвийн төвлөрүүлэн захирагчийн 2024 оны үйл ажиллагааны хамрах хүрээнд хязгаарлалт байхгүй болно.

2.3 Аудитын арга, аргачлал

Дотоод аудитын мэргэжлийн практикийн Олон улсын стандарт, Засгийн газрын 2015 оны 483 дугаар тогтоолоор баталсан “Дотоод аудитын дүрэм”, Монгол улсын сангийн сайдын 2019 оны 12 дугаар сарын 23-ны өдрийн 268 дугаар тушаалаар батлагдсан “Улсын салбарын дотоод аудитын аргачлал”-ын дагуу үйл ажиллагааны эрсдэлийг үнэлэн албан тушаалтнаас асуулга тодруулга авах, нотлох зүйлсийг нягтлах, тулган баталгаажуулах, дүн шинжилгээ хийх горимуудыг ашиглав.

2.4. Аудитад ашигласан шалгуур үзүүлэлтүүд:

Аудитын зорилттой холбоотой дараах хууль, журам, дүрэм, зааврыг аудитын шалгуур үзүүлэлт болгон ашиглав. Үүнд:

- Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах тухай хууль
- Авлигын эсрэг хууль
- Төсвийн тухай хууль
- Төрийн албаны тухай хууль
- Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль
- Хөдөлмөрийн тухай хууль
- Төрийн хэмнэлтийн тухай хууль
- Нягтлан бодох бүртгэлийн тухай хууль
- Тратварын ерөнхий хууль
- Орон нутгийн хөгжлийн сангийн үйл ажиллагааны журам
- Хоршоо хөгжүүлэх сангаас хөнгөлөлттэй зээл олгох, сонгон шалгаруулах, эргэн төлүүлэх, хяналт тавих журам
- УСНББОУС болон бусад стандартууд
- Төрийн сангийн төлбөр тооцооны журам
- Бусад хууль, эрх зүйн актууд

2.5 Аудитын хугацаа, бүрэлдэхүүн

Дотоод аудитыг 2024 оны 12 дугаар сарын 02-ны өдрөөс 2024 оны 12 дүгээр сарын 20-ны өдрийг хүртэлх хугацаанд Санхүүгийн хяналт, дотоод аудитын албаны дотоод аудитор, СХШУБ Ц.Уртнасан гүйцэтгэв.

3. Байгууллагын сайн туршлага

Сумын удирдлагын баг болоод төрийн албан хаагч нар тогтвор суурьшилтай ажилладаг тул төрийн үйл ажиллагааг тасралтгүй явуулахад ямар нэгэн саад бэрхшээл тулгардаггүй болно.

Монгол Улсын хууль тогтоомж, Засгийн газрын бодлого шийдвэр, аймаг, сумын Засаг даргын үйл ажиллагааны хөтөлбөр, эдийн засаг нийгмийн зорилтын хэрэгжилтийг зохион байгуулж, гүйцэтгэлд нь хяналт тавин, иргэдэд төрийн үйлчилгээг ил тод, түргэн шуурхай, нээлттэй, тэгш хүртээмжтэй хүргэн ажиллаж байна.

2020 он хүртэл аймгаас санхүүгийн дэмжлэг авч байсан бол 2020 оноос аймагт 69.3-153.5 сая төгрөгийн орлогыг жилд төвлөрүүлсэн ба төсвийн татварын болон татварын бус орлого жилдээ 2021 онд 191.6 хувь 2022 онд 118.9 хувь, 2023 онд 114.2 хувь, 2024 оны 09 сарын байдлаар 113.5 хувь буюу тогтмол давуулан биелүүлсэн байна.

Төсвийн байгууллагууд нь сар сардаа авлага, өглөгийг барагдуулж ажиллаж байгаа тул урсгал болон тогтмол зардлын төсвийн өр, авлага үүсгэхгүй ажилласан байна.

Сэлэнгэ аймаг дахь Төрийн аудитын газрын санхүүгийн тайлан баталгаажуулах аудитаар 2021, 2022 оны жилийн эцсийн санхүүгийн тайлангаар "Өөрчлөлтгүй" санал дүгнэлт авсан байна.

Сэлэнгэ аймгийн ЗДТГ-ын хяналт шинжилгээ үнэлгээний хэлтсийн нэгдсэн дүнгээр Хушаат сум нь 2023 онд Тэргүүний сумаар шалгарч шагнагдсан байна.

3.1 Засаглалын талаар

Сэлэнгэ аймгийн Хушаат сумын удирдлагын баг нь орон нутгийн 9 дэх удаагийн сонгуулийн үр дүнгээр зохин байгуулсан ИТХ-ын анхдугаар хуралдаанаар Д.Амаржаргал ИТХ-ын даргаар томилж, Н.Захирахбаатар Засаг даргаар томилогдсон байна. Бидний хяналт шалгалтад хамрагдах хугацаа нь өмнөх удирдлагын үеийн шийдвэр гаргалттай холбоотойг онцлон дурдах нь зүйтэй юм.

Сэлэнгэ аймгийн Хушаат сумын удирдлагын багийн удирдлагад сумын ИТХ-ын даргаар Ч.Гантөгс 2022 оны 04 сарын 29 өдрөөс 2024 оны 10 сарын 28 өдөр хүртэл, Д.Амаржаргал нь 2024 оны 10 дугаар сарын 28-ны өдрөөс хойш, сумын Засаг даргаар Н.Захирахбаатар нь 2022 оны 11 сарын 21 өдрөөс өнөөдрийг хүртэл, Засаг даргын орлогч Ч.Ганзориг нь 2020 оны 12 сарын 31 өдрөөс өнөөдрийг хүртэл, 1 багийн Засаг даргаар Г.Мөнх-Эрдэнэ 2022 оны 06 сарын 27 өдрөөс 2023 оны 05 сарын 17 өдөр хүртэл, Засаг даргын үүрэг гүйцэтгэгчээр Н.Батдорж 2023 оны 05

сарын 17 өдрөөс өнөөдрийг хүртэл, 2 багийн Засаг даргаар Д.Батмягмар 2022 оны 06 сарын 27 өдрөөс өнөөдрийг хүртэл, сумын төсвийн ерөнхий нягтлан бодогч О.Цогбаяр 2014 оны 07 сарын 28 өдрөөс өнөөдрийг хүртэл тус тус томилогдон ажиллаж байна.

Сумын Засаг дарга Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 59 дүгээр зүйлд заасан бүрэн эрхийн хүрээнд Монгол Улсын хууль тогтоомж, Засгийн газрын бодлого шийдвэр, аймаг, сумын Засаг даргын үйл ажиллагааны хөтөлбөр, эдийн засаг нийгмийн зорилтын хэрэгжилтийг зохион байгуулж, гүйцэтгэлд нь хяналт тавин, иргэдэд төрийн үйлчилгээг ил тод, түргэн шуурхай, нээлттэй, тэгш хүртээмжтэй хүргэхэд гол ажлуудыг шийдвэрлэсэн байна.

Аймгийн Хяналт-шинжилгээ үнэлгээний хэлтсээс Засгийн газрын 2020 оны 206 дугаар тогтоолоор батлагдсан "Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам"-ын хэрэгжилтийг ханган хагас бүтэн жилээр бүх шатны захиргааны байгууллага нь өөрийн хариуцсан асуудлын хүрээнд хуульд заасан чиг үүргийг хэрэгжүүлсэн байдалд хяналт-шинжилгээ, үнэлгээ хийсэн байна.

3.2 Эрсдэлийн удирдлагын талаар

Тус сум нь эрсдэлийн удирдлагын бодлого, журам боловсруулаагүй, тусдаа хариуцсан ажилтан нэгж байгуулаагүй, одоогоор эрсдэлийн бүртгэл байхгүй. Сумын Засаг даргаар 2024 оны 01 сарын 22 өдөр 2024 онд хийж гүйцэтгэх дотоод хяналт шалгалтын төлөвлөгөөг санхүү, бүртгэлийн чиглэлээр батлуулж хэрэгжилтийг дүгнэж ажилласан байна. 2024 оны 09 сарын байдлаар хэрэгжилт гүйцэтгэл 94.0 хувьтай байна.

Хушаат сумын Санхүүгийн албанаас тус сумын төсвийн байгууллагуудын 2023 оны Шилэн дансны хуулийн хэрэгжилтийг шалгахад 85.6 хувьтай дүгнэгдсэн ба алдаа зөрчлийн арилгах, давтан гаргахгүй ажиллахад анхаарч ажилласан байна.

Байгууллагын эрсдэлийн удирдлагын төлөвшлийг тодорхойлоход эрсдэлийн соёл, эрсдэлийн засаглал, эрсдэлийн үйл явц эхлэлийн буюу 2-р түвшинд байна.

3.3 Дотоод хяналтын системийн талаар

Засгийн газрын 2011 оны 311 дүгээр тогтоолын хавсралт "Аж ахуйн нэгж, байгууллагын үйл ажиллагаанд дотоод хяналт шалгалтыг Зохион байгуулах нийтлэг журам"-ын 1.5. Энэхүү журмын 1.4-т зааснаас бусад тохиолдолд "Дотоод хяналт шалгалтыг зохион байгуулах журам"-ыг тухайн байгууллага, аж ахуйн нэгж өөрөө баталж мөрдөнө. 3.1. Энэхүү журмын 1.3-т заасан "Дотоод хяналт шалгалтыг зохион байгуулах журам"-д өөрөөр заагаагүй бол дотоод хяналт шалгалтыг зохион байгуулах үүргийг тухайн аж ахуйн нэгж, байгууллагын захиргааны асуудал хариуцсан нэгж, ажилтан (цаашид "дотоод хяналт шалгалтын нэгж, ажилтан" гэх) гүйцэтгэнэ. гэж заасан байдаг боловч төсвийн төвлөрүүлэн захирагчид шууд харьяалагдах дотоод хяналт хариуцсан ажилтны орон тоо байхгүйгээс одоог хүртэл батлуулаагүй байна.

Дотоод хяналтыг удирдамж, төлөвлөгөөг зөвхөн харьяа нэгжүүд өөрсдийн чиг үүргийн дагуу хийж байгаа нь нэгдсэн удирдлагын тогтолцоо бүрдээгүйг илэрхийлж байна.

4. АУДИТЫН ҮР ДҮН

<u>Илэрсэн асуудал 1</u>	Эрсдэлийн үнэлгээ хийгдээгүй Аюул эрсдэлийг тодорхой хэмжээнд ярилцдаг боловч баримтжуулаагүй.
<u>Асуудлын ангилал</u>	Нөлөө их
Бодит байдал: Байгууллагын үйл ажиллагааг төлөвлөхдөө учирч болох эрсдэлүүдийг авч бүртгэж түүнийг бууруулах талаар ярилцдаг боловч баримтжуулаагүй, үнэлгээ хийгдээгүй байна.	
Байх ёстой шаардлага /шалгуур/: Дотоод аудитын мэргэжлийн практикийн олон улсын стандарт-2120	
Асуудлын үндсэн шалтгаан: Эрсдэлийн үнэлгээний ерөнхий ойлголт, ач холбогдол, үнэлгээ хийх арга аргачлалын талаар холбогдох албан тушаалтанд сургалт зохион байгуулдаггүй Эрсдэлийг зөвхөн шаардлагатай үед тодорхойлдог боловч бүрэн үнэлдэггүй.	
Байгууллагад үзүүлэх нөлөө /үр дагавар/: - Эрсдэлээ тодорхойлоогүй нөхцөлд байгууллага зорилгодоо хүрэхэд саад бэрхшээл тулгарах - Байгууллагын үнэ цэн буурна, төсөв санхүүгийн хүндрэл учирч хэвийн үйл ажиллагаа алдагдана	
Шийдвэр: - Байгууллагын албан хаагчдад эрсдэлийн талаар ойлголт өгч, дотоод хяналтын нэгж хариуцсан ажиллагсдыг сургалтад үе шаттай хамруулж, чадавхжуулах. - Гүйцэтгэх удирдлага нь байгууллагын хүний нөөцийн бодлогыг хэрэгжүүлэхдээ эрсдэлийн чиглэлээр ур чадвар бүхий ажилтан сонгон шалгаруулж авах. - Байгууллагын эрсдэлийн түвшинг нэг шатлал ахиулан давтамжтай түвшинд шилжих зөвлөмж хүргүүлэх.	

<u>Илэрсэн асуудал 2</u>	Төсвийн төвлөрүүлэн захирагчийн эрхлэх асуудын хүрээнд хэрэгжүүлэх дотоод хяналтын төлөвлөгөө боловсруулаагүй байна.
<u>Асуудлын ангилал</u>	Нөлөө их
Бодит байдал: Төсвийн төвлөрүүлэн захирагчид шууд харьяалагдах дотоод хяналт хариуцсан ажилтны орон тоо байхгүйгээс одоог хүртэл батлуулаагүй. Сумын хэмжээнд дотоод хяналт шалгалт зохион байгуулах журмыг боловсруулж батлуулаагүй байна.	
Байх ёстой шаардлага /шалгуур/: Засгийн газрын 2011 оны 311 дүгээр тогтоолын хавсралт "Аж ахуйн нэгж, байгууллагын үйл ажиллагаанд дотоод хяналт шалгалтыг зохион байгуулах нийтлэг журам"-ын 3.4 дэх "Дотоод хяналт шалгалтын нэгж, ажилтан нь тухайн аж ахуйн нэгж, байгууллагын үйл ажиллагааны онцлог, үйлдвэрлэл, үйлчилгээний чиглэл, хэмжээ, зохион байгуулалтын	

бүтэц, харьяалагдах нэгж, объектын тоог харгалзан тухайн жилд хийх хяналт шалгалтын ажлын тусгайлсан төлөвлөгөөг боловсруулан эрх бүхий албан тушаалтнаар батлуулан мөрдөж ажиллана.”

Асуудлын үндсэн шалтгаан:

Дотоод хяналт хэрэгжүүлэг төлөвлөгөө боловсруулаагүй, дотоод хяналтын чиглэлээр ажил зохион байгуулаагүй үндсэн үйл ажиллагаанд болон гүйцэтгэх удирдлагад тавих хяналтын тогтолцоог журамлаагүй, хөдөлмөрийн дотоод журмаар зохицуулах хяналтуудыг орхигдуулсан.

Байгууллагад үзүүлэх нөлөө /үр дагавар/:

Удирдлагын хяналт, гүйцэтгэх удирдлагын уялдаа холбоо хангагдаагүй хяналт хэрэгжүүлэх чиг үүрэг тодорхой бусад нэгжийн дотоод хяналын үр нөлөө сул үнэлгээ дүгнэлт хангалтгүй байна.

Шийдвэр:

Өөрийн эрхлэх хүрээний асуудал хариуцсан байгууллагууд болон гүйцэтгэх удирдлага, болон үндсэн үйл ажиллагаанд хийх дотоод хяналт шалгалтын журмыг нэн яаралтай боловсруулах, дотоод хяналт хариуцсан ажилтантай болгож албан тушаалын тодорхойлолтод холбогдох хууль тогтоомж, дүрэм журмын заалтаар тусгаж өгөх. Засгийн газрын 2011 оны 311 дүгээр тогтоолын хавсралт “Аж ахуйн нэгж, байгууллагын үйл ажиллагаанд дотоод хяналт шалгалтыг зохион байгуулах нийтлэг журам”-ын 3.4. дэх заалтыг хэрэгжүүлж ажиллах зөвлөмж хүргүүлэх.

<u>Илэрсэн асуудал 3</u>	Сумын ИТХ-аар 2024 оны төсөв батлагдсаны дараа ОНХС-аар хийгдэх ажлын зураг төсвийг баталсан, мөн огт зураг төсөвгүй арга хэмжээг хийж гүйцэтгэсэн зэрэг нийт 80,000.0 мянган төгрөгийн зөрчил гарсан байна.
<u>Асуудлын ангилал</u>	Нөлөө их
Бодит байдал:	Сумын ИТХ-ын 2023 оны 12 сарын 15 өдрийн 51 дугаар “Сумын 2024 оны төсөв батлах тухай” тогтоол батлагдсаны дараа зураг төсвийг баталсан нийт 40,000.0 мянган төгрөгийн ажил байна. Үүнд: - Сумын төвөөс хуучин төв хүртэлх 3 км зуслангийн зам даваа засах ажил 20,000.0 мянган төгрөгийн, - Малчдын хадлан, тэжээл бэлтгэх зам засах ажил 20,000.0 мянган төгрөгийн, Огт зураг төсөв хийж гүйцэтгээгүй нийт 40,000.0 мянган төгрөгийн ажил байна. Үүнд: - 96 тоочигоос гүүр хүртэлх зам засварын зардал 20,000.0 мянган төгрөгийн, - Малчдын зорчих гүүрнээс Хушаат самбар хүртэлх зам засвар 20,000.0 мянган төгрөгийн ажлууд байна.
Байх ёстой шаардлага /шалгуур/:	Төсвийн тухай хуулийн 29 дүгээр зүйлийн 29.4 “Хөрөнгө оруулалтын төсөвт техник, эдийн засгийн үндэслэл хийгдсэн, зураг төсвөө батлуулсан, хуульд заасан бусад зөвшөөрөл олгогдсон төсөл, арга хэмжээг тусгана.”
Асуудлын үндсэн шалтгаан:	Гүүрнээс цааш төв зам нь дэржигнүүр ихтэй, машин тэрэг эвдрэх асуудал үүссэн шалтгаанаар сумын ИТХ-аас санал оруулж батлуулснаас шалтгаалж зураг, төсвийг төсөв батлагдсаны дараа болон огт зураг төсөвгүйгээр батлуулсан байна.
Байгууллагад үзүүлэх нөлөө /үр дагавар/:	

ОНХС-ийн хөрөнгө оруулалтаар 2024 оны төсвийн жилд хэрэгжүүлэх төсөл арга хэмжээг хуулийн дагуу хэрэгжүүлээгүй, хууль тогтоомж мөрдөж ажиллахгүй байх.

Шийдвэр:

ОНХС-аар хийгдэх төсөл, арга хэмжээний төсвийг батлахдаа хөрөнгө оруулалтын төсөв, техник, эдийн засгийн үндэслэл хийгдсэн, зураг төсвөө батлуулсан, хуульд заасан бусад зөвшөөрөл олгогдсон төсөл, арга хэмжээг тусгаж, хэрэгжүүлж ажиллах, алдаа зөрчлийг давтан гаргахгүй байх албан шаардлага хүргүүлэх.

<u>Илэрсэн асуудал 4</u>	ОНХС-ийн хөрөнгөөр санхүүжүүлсэн төсөл арга хэмжээг төлөвлөж батлахдаа иргэдийн санал аваагүй нийт 149,007.6 мянган төгрөгийн 6 ажил гүйцэтгэсэн байна.
<u>Асуудлын ангилал</u>	Нөлөө их
Бодит байдал:	ОНХС-ийн хөрөнгөөр санхүүжүүлсэн төсөл арга хэмжээг төлөвлөж батлахдаа иргэдийн санал аваагүй дараах ажлууд байна. Үүнд: - Ухаалаг худгийн төхөөрөмж 2 худагт суурилуулах 49,007.6 мянган төгрөг, - 96 тоочигоос гүүр хүртэлх зам засварын ажил 20,000.0 мянган төгрөг, - Өвсний тэжээлийн нөөцийн хашааг барих 20,000.0 мянган төгрөг, - Малчдын хадлан, тэжээл бэлтгэх зам засах ажил 20,000.0 мянган төгрөг, - Хашаат, Мэргэний зам даваа засах 20,000.0 мянган төгрөг, - Малчдын зорчих гүүрнээс Хушаат самбар хүртэлх зам засвар 20,000.0 мянган төгрөг зэрэг нийт 149,007.6 мянган төгрөгийн ажил байна.
Байх ёстой шаардлага /шалгуур/:	Төсвийн тухай хуулийн 60 дугаар зүйлийн 60.3 "Орон нутгийн хөгжлийн сангийн хөрөнгийг дараах зүйлд зарцуулахыг хориглоно.", 60.3.6 "орон нутгийн иргэдийн саналыг аваагүй, орон нутгийн төсвийн төлөвлөгөөнд тусгаж батлаагүй зардал, арга хэмжээ."
Асуудлын үндсэн шалтгаан:	Нэн шаардлагатай тулгамдсан асуудал боловч иргэдээс авах санал асуулганд оруулаагүй байна.
Байгууллагад үзүүлэх нөлөө /үр дагавар/:	ОНХС-ийн хөрөнгийн төлөвлөлт хууль тогтоомжийн дагуу хэрэгждэггүй.
Шийдвэр:	ОНХС -аар хэрэгжүүлэх төсөл, арга хэмжээг төлөвлөж батлахдаа орон нутгийн иргэдээс санал авч тусгаж байх, холбогдох хууль журмыг хэрэгжүүлэх албан шаардлага хүргүүлэх

<u>Илэрсэн асуудал 5</u>	Байгууллагын урсгал болон хөрөнгийн зардалд тусган хэрэгжүүлэх боломжтой гудамжны талбайн гэрэлтүүлгийн засварын зардал, сумын төвийн замын өндөрийн хязгаарлалтын хаалт хийлгэх зэрэг нийт 18,307.5 мянган төгрөгийн төсөл, арга хэмжээг төлөвлөж зарцуулсан байна.
<u>Асуудлын ангилал</u>	Нөлөө дунд
Бодит байдал:	ОНХС-ын тоног төхөөрөмж хөрөнгө оруулалтын төсөл арга хэмжээний ангиллыг буруу төлөвлөж хэрэгжүүлсэнээр байгууллагын урсгал болон хөрөнгийн зардалд тусган хэрэгжүүлэх боломжтой гудамжны талбайн гэрэлтүүлгийн засварын зардал 13,000.0

мянган төгрөгийн, сумын төвийн замын өндөрийн хязгаарлалтын хаалт хийлгэх 5,307.5 мянган төгрөгийн төсөл, арга хэмжээг төлөвлөж зарцуулсан байна.

Байх ёстой шаардлага /шалгуур/:

Төсвийн тухай хуулийн 4 дүгээр зүйлийн 4.1.24."төсвийн хөрөнгө оруулалт" гэж улсын болон орон нутгийн төсвөөс санхүүжүүлж, тухайн шатны төсөвт хамаарах хуулийн этгээдийн өмчлөлд шилжих хөрөнгийн зарлагыг", 22 дугаар зүйлийн 22.1.Төсвийг тогтоосон ангиллын дагуу төлөвлөж, гүйцэтгэлийг хэрэгжүүлж, бүртгэн, тайлагнана"

Асуудлын үндсэн шалтгаан:

Төсвийн төслийг боловсруулах журам, аргачлалыг мөрдөөгүй, албан хаагчдын мэдлэг чадвар дутмагаас үндэслэлтэй бодитоор төлөвлөөгүйгээс хөрөнгө оруулалтын төсөл арга хэмжээний ангиллыг буруу төлөвлөж хэрэгжүүлсэн байна.

Байгууллагад үзүүлэх нөлөө /үр дагавар/:

Төсвийн хөрөнгө оруулалтын шалгуур хангахгүй төсөл арга хэмжээг хэрэгжүүлснээр төсвийн хөрөнгийн үр ашиг, үр нөлөө буурах.

Шийдвэр:

Хөрөнгө оруулалтын төсөл арга хэмжээг бодитоор төлөвлөж төсвийн хөрөнгийн үр ашгийг дээшлүүлэх.

Байгууллагын урсгал болон хөрөнгийн зардлаар хэрэгжүүлэх боломжтой арга хэмжээг хөрөнгө оруулалтын төсөл арга хэмжээнд тусгахгүй байх албан шаардлага хүргүүлэх

<u>Илэрсэн асуудал 6</u>	Төрийн цахим хур системд ЗДТГ-ын эзэмшиж, ашиглах эрх олгосон 19 газар байгаагаас санхүүгийн тайлан бүртгэлд бүртгэгдсэн 14 байна.
<u>Асуудлын ангилал</u>	Нөлөө их
Бодит байдал: Төрийн мэдээлэл солилцооны хур системд тухайн байгууллагын эзэмшилд 19 газар бүртгэлтэй байгаа боловч санхүүгийн тайланд 14 газар бүртгэгдэж тайлагнагдсан бөгөөд 5 газрыг үнэлгээ хийгээгүй, санхүүгийн тайланд бүртгээгүй байна.	
Байх ёстой шаардлага /шалгуур/: Төрийн болон орон нутгийн өмчийн тухай хуулийн 11 дүгээр зүйлийн 2 дахь "Төрийн өмчийн эд хөрөнгийн анхан шатны бүртгэл, тооллого, тайлан тэнцэл гаргах ажлыг зохион байгуулж удирдах, төрийн өмчийн эд хөрөнгийн ашиглалтад хяналт тавьж, түүний үр ашгийг дээшлүүлэх арга хэмжээ авах", Нягтлан бодох бүртгэлийн тухай хуулийн 14 дүгээр зүйлийн 14.4 дэх "Нягтлан бодох бүртгэлд дараах зүйлсийг заавал бүртгэнэ: 14.4.2. бүх хөрөнгө, хөрөнгө оруулалт, авлага", Төрийн өмчийн бодлого зохицуулалтын газрын 2019 оны "Журам шинэчлэн батлах тухай" 271 дүгээр тогтоолын 3 дугаар зүйлийн 3.8 дахь "Төрийн өмчит хуулийн этгээд нь газар эзэмших эрх шинээр авах саналаа тухайн жилийн газар зохион байгуулалтын төлөвлөгөөнд тусгуулан, холбогдох Газрын алба, сумын газрын даамалд хүсэлт гарган шийдвэрлүүлнэ. Газар эзэмших/ашиглах эрх үүсмэгц түүнийг үнэлж, санхүүгийн тайланд бүртгэх саналыг Төрийн өмчийн бодлого, зохицуулалтын газарт ирүүлж шийдвэрлүүлнэ"	
Асуудлын үндсэн шалтгаан: Засаг даргын дэргэдэх харьяа байгууллагуудын уялдаа холбоо хангалтгүй, албан хаагчдын ажлын хариуцлага сул хөрөнгийн бүртгэлд тавих хяналт хангалтгүйгээс бүртгэл тайланд тусгаагүй орхигдуулсан.	
Байгууллагад үзүүлэх нөлөө /үр дагавар/: Санхүүгийн тайлан мэдээлэл үнэн зөв илэрхийлэгдэхгүй байх, Өмч хөрөнгийн	



СЭЛЭНГЭ АЙМГИЙН САНХҮҮГИЙН ХЯНАЛТ,
ДОТООД АУДИТЫН АЛБА
УЛСЫН БАЙЦААГЧИЙН
АЛБАН ШААРДЛАГА

2024 оны 12 сарын 20 өдөр

Дугаар 135/32-03

Сүхбаатар сум

Зөрчил арилгуулах тухай

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 09 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Санхүүгийн хяналт, дотоод аудитын албаны даргын баталсан 2024 оны 10 дугаар сарын 16-ны өдрийн 13 дугаартай удирдамжийн дагуу Хушаат сумын Төсвийн төвлөрүүлэн захирагчийн 2024 оны 3 дугаар улирлын үйл ажиллагааны үр дүнд хийсэн дотоод аудитаар Сумын ИТХ-аар 2024 оны төсөв батлагдсаны дараа ОНХС-аар хийгдэх ажлын зураг төсвийг баталсан, мөн огт зураг төсөвгүй арга хэмжээг хийж гүйцэтгэсэн зэрэг нийт 80,000.000 төгрөгийн зөрчил илэрлээ.

Энэ нь Төсвийн тухай хуулийн 29 дүгээр зүйлийн 29.4 дэх "Хөрөнгө оруулалтын төсөвт техник, эдийн засгийн үндэслэл хийгдсэн, зураг төсвөө батлуулсан, хуульд заасан бусад зөвшөөрөл олгогдсон төсөл, арга хэмжээг тусгана." гэсэн заалтыг зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн, албан тушаалтанд шаардлага тавьж, хугацаатай үүрэг даалгавар өгч биелэлтийг хангуулах", Засгийн газрын 2015 оны 483 дугаар тогтоолоор батлагдсан "Дотоод аудитын дүрэм"-ийн 7 дугаар зүйлийн 7.5-д "Санхүүгийн хяналт шалгалтын улсын (ахлах) байцаагч нь шалгалтаар тогтоосон ажлын үр дүн, зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ." гэсэн заалтуудыг тус тус үндэслэн **ШААРДАХ** нь:

1. ОНХС-аар хийгдэх төсөл, арга хэмжээний төсвийг батлахдаа хөрөнгө оруулалтын төсөв, техник, эдийн засгийн үндэслэл хийгдсэн, зураг төсвөө батлуулсан, хуульд заасан бусад зөвшөөрөл олгогдсон төсөл, арга хэмжээг тусгаж, хэрэгжүүлж ажиллах, алдаа зөрчлийг давтан гаргахгүй байх.
2. Цаашид дээрх зөрчлийг дахин давтан гаргахгүй ажиллаж, биелэлтийг 2025 оны 01 дугаар сарын 15-ны өдрийн дотор Сэлэнгэ аймгийн Санхүүгийн хяналт, дотоод аудитын албанд ирүүлэхийг Хушаат сумын Засаг дарга Н.Захирахбаатар, Ерөнхий нягтлан бодогч О.Цогбаяр нарт даалгав.


3. Улсын байцаагчийн албан шаардлагыг тогтоосон хугацаанд биелүүлээгүй тохиолдолд Төрийн хяналт шалгалтын тухай хуулийн 16.2, Зөрчлийн тухай хуулийн 15.2 дугаар зүйлийн 1.3-д зааснаар хүнийг тавин нэгжтэй тэнцэх хэмжээний төгрөгөөр торгоно.
4. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.

АЛБАН ШААРДЛАГА ӨГСӨН:

САНХҮҮГИЙН ХЯНАЛТ, ДОТООД
 АУДИТЫН АЛБАНЫ ДОТООД
 АУДИТОР САНХҮҮГИЙН ХЯНАЛТ
 ШАЛГАЛТЫН УЛСЫН БАЙЦААГЧ
 Ц.УРТНАСАН



ЗӨВШӨӨРСӨН:



Н.ЗАХИРАХБААТАР
 ЕРӨНХИЙ НЯГТЛАН БОДОГЧ
 О.ЦОГБАЯР



СЭЛЭНГЭ АЙМГИЙН САНХҮҮГИЙН ХЯНАЛТ,
ДОТООД АУДИТЫН АЛБА
УЛСЫН БАЙЦААГЧИЙН
АЛБАН ШААРДЛАГА

2024 оны 12 сарын 20 өдөр

Дугаар ДА 139/32-03

Сүхбаатар сум

Зөрчил арилгуулах тухай

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 09 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Санхүүгийн хяналт, дотоод аудитын албаны даргын баталсан 2024 оны 10 дугаар сарын 16-ны өдрийн 13 дугаартай удирдамжийн дагуу Хушаат сумын Төсвийн төвлөрүүлэн захирагчийн 2024 оны 3 дугаар улирлын үйл ажиллагааны үр дүнд хийсэн дотоод аудитаар ОНХС-ын тоног төхөөрөмж хөрөнгө оруулалтын төсөл арга хэмжээний ангиллыг буруу төлөвлөж хэрэгжүүлсэнээр байгууллагын урсгал болон хөрөнгийн зардалд тусган хэрэгжүүлэх боломжтой гудамжны талбайн гэрэлтүүлгийн засварын зардал, сумын төвийн замын өндөрийн хязгаарлалтын хаалт хийлгэх зэрэг нийт 18,307.500 төгрөгийн төсөл, арга хэмжээг төлөвлөж зарцуулсан зөрчил илэрлээ.

Энэ нь Төсвийн тухай хуулийн 4 дүгээр зүйлийн 4.1.24 дэх "төсвийн хөрөнгө оруулалт" гэж улсын болон орон нутгийн төсвөөс санхүүжүүлж, тухайн шатны төсөвт хамаарах хуулийн этгээдийн өмчлөлд шилжих хөрөнгийн зарлагыг", 22 дугаар зүйлийн 22.1 дэх "Төсвийг тогтоосон ангиллын дагуу төлөвлөж, гүйцэтгэлийг хэрэгжүүлж, бүртгэн, тайлагчана" гэсэн заалтуудыг зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн, албан тушаалтанд шаардлага тавьж, хугацаатай үүрэг даалгавар өгч биелэлтийг хангуулах", Засгийн газрын 2015 оны 483 дугаар тогтоолоор батлагдсан "Дотоод аудитын дүрэм"-ийн 7 дугаар зүйлийн 7.5-д "Санхүүгийн хяналт шалгалтын улсын (ахлах) байцаагч нь шалгалтаар тогтоосон ажлын үр дүн, зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ." гэсэн заалтуудыг тус тус үндэслэн **ШААРДАХ** нь:

1. Хөрөнгө оруулалтын төсөл, арга хэмжээг бодитоор төлөвлөж хөрөнгийн үр ашгийг дээшлүүлэх.
2. Байгууллагын урсгал болон хөрөнгийн зардлаар хэрэгжүүлэх боломжтой арга хэмжээг хөрөнгө оруулалтын төсөл арга хэмжээнд тусгахгүй байх.
3. Цаашид дээрх зөрчлийг дахин давтан гаргахгүй ажиллаж, биелэлтийг 2025 оны 01 дугаар сарын 15-ны өдрийн дотор Сэлэнгэ аймгийн Санхүүгийн

хяналт, дотоод аудитын албанд ирүүлэхийг Хушаат сумын Засаг дарга Н.Захирахбаатар, Ерөнхий нягтлан бодогч О.Цогбаяр нарт даалгав.

4. Улсын байцаагчийн албан шаардлагыг тогтоосон хугацаанд биелүүлээгүй тохиолдолд Төрийн хяналт шалгалтын тухай хуулийн 16.2, Зөрчлийн тухай хуулийн 15.2 дугаар зүйлийн 1.3-д зааснаар хүнийг тавин нэгжтэй тэнцэх хэмжээний тегрөгөөр торгоно.
5. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.


АЛБАН ШААРДЛАГА ӨГСӨН:

САНХҮҮГИЙН ХЯНАЛТ, ДОТООД
АУДИТЫН АЛБАНЫ ДОТООД
АУДИТОР САНХҮҮГИЙН ХЯНАЛТ
ШАЛГАЛТЫН УЛСЫН БАЙЦААГЧ
Ц.УРТНАСАН



ЗӨВШӨӨРСӨН:

СЭЛЭНГЭ АЙМГИЙН ХУШААТ
СУМЫН ЗАСАГ ДАРГА
Н.ЗАХИРАХБААТАР
ЕРӨНХИЙ НЯГТЛАН БОДОГЧ
О.ЦОГБАЯР





СЭЛЭНГЭ АЙМГИЙН САНХҮҮГИЙН ХЯНАЛТ,
ДОТООД АУДИТЫН АЛБА
УЛСЫН БАЙЦААГЧИЙН
АЛБАН ШААРДЛАГА

2024 оны 12 сарын 20 өдөр

Дугаар 134/2-05

Сүхбаатар сум

Зөрчил арилгуулах тухай

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 09 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Санхүүгийн хяналт, дотоод аудитын албаны даргын баталсан 2024 оны 10 дугаар сарын 16-ны өдрийн 13 дугаартай удирдамжийн дагуу Хушаат сумын Төсвийн төвлөрүүлэн захирагчийн 2024 оны 3 дугаар улирлын үйл ажиллагааны үр дүнд хийсэн дотоод аудитаар ОНХС-ийн хөрөнгөөр санхүүжүүлсэн төсөл арга хэмжээг төлөвлөж батлахдаа иргэдийн санал аваагүй нийт 149,007.600 төгрөгийн 6 ажил гүйцэтгэсэн зөрчил илэрлээ.

Энэ нь Төсвийн тухай хуулийн 60 дугаар зүйлийн 60.3 дахь "Орон нутгийн хөгжлийн сангийн хөрөнгийг дараах зүйлд зарцуулахыг хориглоно:", 60.3.6 дахь "орон нутгийн иргэдийн саналыг аваагүй орон нутгийн төсвийн төлөвлөгөөнд тусгаж батлаагүй зардал, арга хэмжээ." гэсэн заалтыг зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн, албан тушаалтанд шаардлага тавьж, хугацаатай үүрэг даалгавар өгч биелэлтийг хангуулах", Засгийн газрын 2015 оны 483 дугаар тогтоолоор батлагдсан "Дотоод аудитын дүрэм"-ийн 7 дугаар зүйлийн 7.5-д "Санхүүгийн хяналт шалгалтын улсын (ахлах) байцаагч нь шалгалтаар тогтоосон ажлын үр дүн, зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ." гэсэн заалтуудыг тус тус үндэслэн **ШААРДАХ** нь:

1. ОНХС -аар хэрэгжүүлэх төсөл, арга хэмжээг төлөвлөж батлахдаа орон нутгийн иргэдээс санал авч тусгаж байх, холбогдох хууль журмыг хэрэгжүүлэх.
2. Цаашид дээрх зөрчлийг дахин давтан гаргахгүй ажиллаж, биелэлтийг 2025 оны 01 дугаар сарын 15-ны өдрийн дотор Сэлэнгэ аймгийн Санхүүгийн хяналт, дотоод аудитын албанд ирүүлэхийг Хушаат сумын Засаг дарга Н.Захирахбаатар, Ерөнхий нягтлан бодогч О.Цогбаяр нарт даалгав.
3. Улсын байцаагчийн албан шаардлагыг тогтоосон хугацаанд биелүүлээгүй тохиолдолд Төрийн хяналт шалгалтын тухай хуулийн 16.2, Зөрчлийн тухай

хуулийн 15.2 дугаар зүйлийн 1.3-д зааснаар хүнийг тавин нэгжтэй тэнцэх хэмжээний төгрөгөөр торгоно.

4. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.

АЛБАН ШААРДЛАГА ӨГСӨН:

САНХҮҮГИЙН ХЯНАЛТ, ДОТООД
АУДИТЫН АЛБАНЫ ДОТООД
АУДИТОР, САНХҮҮГИЙН ХЯНАЛТ
ШАЛГАЛТЫН УЛСЫН БАЙЦААГЧ
Ц.УРТНАСАН



ЗӨВШӨӨРСӨН:



ДӨРНОГОВЬ АЙМГИЙН ХУШААТ
СУМЫН ЗАСАГ ДАРГА
Н.ЗАХИРАХБААТАР
ЕРӨНХИЙ НЯГТЛАН БОДОГЧ
О.ЦОГБАЯР